

समे — 12:25

<><><><><><>

एह आकाशवाणी जम्मू ऐ, हुन तुस जगमोहन शर्मा कोला खबरां सुनो।

Parliament

लोकसभा दी कारवाई इक प्रमुख कारोबारी समूह दे खिलाफ कथित रिश्वत खोरी दे आरोप ते होरने मुद्दे पर बिरोधी पार्टिं दे हंगामे दे चलदे अज्ज बडलै स्थगित करनी पेई। तोआई राज्यसभा च बी अज्ज सदन दी कारवाई शुरू होंदे गै हंगामा शुरू होई गेआ। राज्यसभा च सिक्थोरिटी जांच दे दरान कांग्रेस दे इक सांसद दी सीट पर नोटें दी दफ्तरी लब्बने पर हंगामा शुरू होई गेदा ऐ। जानकारी मूजब कल सिक्थोरिटी जांच दरान सीट नंबर 222 पर नोटें दियां दफ्तरियां लब्बिया हियां जिसी लेइयै अज्ज राज्यसभा च हंगामा होआ करदा ऐ। एह सीट कांग्रेस दे राज्यसभा सांसद अभिषेक मनु सिंघवी हुंदी ऐ। हंगामे दे चलदे सभापति जगदीप धनखड़ होरें भरोसा दोआया ऐ जे मामले दी जांच कीती जाग।

<><><><><><>

Ambedkar

भारतीय संविधान दे मुख रचयता भीमराव अम्बेडकी हुंदी 69वीं बरसी दे मौके पर अज्ज महापरिनिवारण दिवस मनाया जा'रदा ऐ, जिस सिलसिले च अज्ज केई कार्यक्रमें दा सरिस्ता कीता जा'रदा ऐ। उपराष्ट्रपति जगदीप धनखड़, प्रधानमंत्री नरेन्द्र मोदी ते लोकसभा अध्यक्ष ओम बिरला होर अज्ज संसद भवन परिसर च बाबा साहेब होरें गी पुष्पांजलि भेंट कीती।

<><><><><><>

as Pipe Line

गुरदासपुर थमां जम्मू तवि तगर 175 किलोमीटर लम्बी, महत्वकांक्षी कुदरती गैस पाइप लाइन दा कम्म शुरू होई गेआ ऐ ते मेद ऐ जे इस परियोजना राएं 2026 तगर जम्मू च घरेलू इस्तेमाल लेई पाइप लाइन राएं रसोई गैस दी सप्लाई शुरू होई जाग। इस बारै इक जानकारी सांझी करदे होई विज्ञान ते टेक्नालोजी राज्यमंत्री डॉ. जितेन्द्र सिंह होरें सोशल मीडिया एक्स पर लिखेआ जे भारतीय गैस प्राधिकरण जीएआईएल दिल्ली कटड़ा एक्सप्रेस वे दे कन्नै कन्नै गैस पाइप लाइन बी बछा करदा ऐ ते एहदे लेई कटुआ ते हीरानगर च वाल्व सेक्शनलाइजिंग दा कम्म शुरू होई चुके दा ऐ। डॉ. सिंह होरें आखेआ जे प्रधानमंत्री नरेन्द्र मोदी हुंदी अगुवाई आली सरकार आस्सेआ आम लोकें दा जीवन सैहल-सखल्ला बनाने दे कम्में च एह परियोजना बी इक महत्वपूर्ण मील दा पत्थर साबत होग।

<><><><><><>

Nuclear

परमाणु ऊर्जा मंत्री डॉ. जितेन्द्र सिंह होरें आखेआ ऐ जे भारत दे परमाणु ऊर्जा सयंत्र दुनिया च सब्बने शा सुरक्षत न ते इंदी सुरक्षा लेई नियम ते बंदोबस्त बी बड़े तगड़े न। परमाणु सुरक्षा दे बारे च कल राज्यसभा च पुच्छे गेदे इक सुआलै दे परते च मंत्री होरें आखेआ परमाणु सयंत्रे दी सुरक्षा लेई नियमें ते माणकें दी पूरी सख्ती नै पालमा कीती जंदी ऐ ते परमाणु ऊर्जा विभाग इंदी सुरक्षा गी लेइयै बड़ी गै संजीदगी कन्नै कम्म करदा ऐ ते सरकार बी “सुरक्षा पैहले ते उत्पादन मगरा” आले नियम गी अपनाइयै कम्म करा करदी ऐ। उनें दस्सेआ जे इंदी सुरक्षा गी लेइयै समें समें निरीक्षण बी कीते जंदे न।

<><><><><><>

RNU Raising Day

आकाशवाणी दा क्षेत्रीय समाचार एकांश जम्मू अज्ज अपना 54मां स्थापना दिवस मनाऽ करदा ऐ। इस सिलसिले च एकांश आसेआ अज्ज केई सारे कार्यक्रम करोआए जा करदे न जिंदे चा इक अज्ज बडलै साङ्गे 9 बजे, 30एँ मिटें दा इक विशेष कार्यक्रम दा प्रसारण कीता गेआ। एहदे अलावा अज्ज संज्ञा 7 बजे बी 15एँ मिटें दा इक विशेष कार्यक्रम प्रसारत कीता जाहग। डोगरी समाचारें दे श्रोता फोन करियै ते किश आपूँ मिलियै बी असेंगी ममारकबाद देआ करदे न। जेहड़ा उंदे मनै च साढ़े लेई हिर्ख ते साढ़े पर उंदे भरोसे दा गवाह ऐ। अपने कर्मिण दी हौसला-अफजाई लेई, ऐकती स्थापना दिवस दे मौके पर इक सम्मान कार्यक्रम दा सरिस्ता बी कीता जा’रदा ऐ जेहदे च 2024 ब’रे दे बेह्तरिन समाचार सम्पादक, डोगरी ते गोजरी दे बेह्तरिन समाचार वाचक ते अनुवादक, बेह्तरिन जिला संवाददाता ते जनरल स्टाफ श्रेणी च बेह्तरिन कर्मी दे सम्मान भेंट कीते जाडन। 2024 आले लोकसभा ते विधानसभा चुनाएँ दरान आकाशवाणी दे विशेष कार्यक्रमें लेई टकोहदा जोगदान देने आहलें गी बी अज्ज सम्मानित कीता जाहग।

<><><><><><>

India China Border

भारत ते चीन नै दौनें सरकारें बश्कार प्रासंगिक दपक्खी समझौतें, नियमें ते सैह्मति मूजब असरदार ढंगै सिर बन्नें दे प्रबंधन ते रमानदारी बनाई रक्खने दी जरूरतै पर सैह्मति जताई ऐ। भारत ते चीन दे बन्ने आहले मामलें पर सलाह-सूत्तर ते तालमेल लेई कार्य तंत्रएमसीसी दी 32मी बैठक कल नमीं दिल्ली च आयोजित कीती गई। भारती डेलीगेशन दी अगुवाई विदेश मंत्रालय च पूर्वी एशिया सरबन्धी संयुक्त सचिव – गौरांगलाल दास ते चीन विदेश मंत्रालय दे बन्ने ते महासागरें सरबन्धी मामलें दे विभाग दे महानिदेशक हांग लियांग होरें चीन दी अगुवाई कीती। दौनें घड़ें बन्ने आहले खेत्तरें दी स्थिति दी समीक्षा कीती ते ब’रे 2020 दिऐं घटनाएं थमां सिक्खे गेदे सबक पर विचार कीता तांजे परतियै इस किस्मै दिआं घटना नेई होन। इस सरबन्धै च, उनें स्थापित तंत्रें दे राहें कूटनीतिक ते फौजी स्तरै पर नियमित आदान-प्रदान ते संपर्क दे महत्व पर जोर दिता।

<><><><><><>

Motivational Lecture

फौज आस्सेआ आयोजित इक कार्यक्रम दरान भटेरा दे सरकारी हाई स्कूल च सुबेदार लोक नाथ शर्मा, आनारी कैप्टन हुंदे आस्सेआ इक लैक्चर दित्ता गेआ। इस लैक्चर दा मकसद नोजवानें गी फौजिएं दी दलेरी, निष्ठा ते उपलब्धिएं कन्ने वाकफ करना हा ते फौज च नौकरी करने दरान उंदे तर्जुबें बारे उंदे तर्जुबे उंदे कन्नै सांझे करना हा। इस मौके सुबेदार लोक नाथ शर्मा होरें नोजवानें गी दस्सेआ जे किस चाल्ली फौज च कम्म करदे होई किने किने चनौतिएं दा सामना करना पौदा ऐ ते मातृभूति दी सेवा करने दा नंद गै अपना होंदा ऐ। उनें सब्बने नोजवानें गी अपनी मातृभूमि कन्नै प्यार करने, अपने घरें पर तिरंगा फहराने ते देश सेवा लेई प्रेरत कीता। उनें नोजवानें गी फौज च भर्त्थी होने लेई बी प्रेरत कीता।

<><><><><><>